



Inatsisartunut ilaasortaq, Niels Thomsen

Inatsisartut

/MAANI

**Tele Greenland A/S-miit avammut nalunaarutit pillugit Inatsisartut suleriaasianni § 37-kkut apeqquteqaammut nr. 33 – 2011-mut akissut.**

Matumuuna Inatsisartut suleriaasianni § 37 imm. 1 naapertorlugu apeqquteqaatit, ulloq 6. januar 2011 tiguneqarsimasoq akissuteqarfignissavara.

Makkuninnga tulleriinnik apeqquteqaateqarsimavutit:

1. **Sooq siulersuisuni siulittaasup allannguutissatut akinut aamma/ ima-luunniit imaqaassutsimut neriorsuutigineqarsimasat piviusunngunngillat?**
2. **Suunukua nioqqutit nutaat TELE Greenland A/S-ip atuisunut neqerooruti-giniarlugit pilersaarutigigai?**
3. **Suunukua aningaasaliissutit annertuut ataavartut TELE Greenland A/S-ip ileqquu-sumik ataatsimeersuarnerani siulersuisuni siulittaasup nalunaaru-taani eqqartorneqartut?**
4. **TELE Greenland A/S pilersaaruteqarnerluni søkabelip annertusarnissaanik imaalersillugu, illoqarfiit ilinniartoqarfiusut tamarmik Nuup avannaatu-ngaaniittut attaveqalersillugit, malugalugu ilulissat tikillugu?**

21. feb. 2011  
Suliapnr. 2011-045588  
Allak.Upp. Nr. 564360

Postboks 1015  
3900 Nuuk  
Oqa. (+299) 34 50 00  
Allak (+299) 32 50 02  
E-mail: govsec@nanoq.gl  
www.nanoq.gl

Aallaqqaasiutigalugu ilisimatitsissutigissavara Naalakkersuisut isumaqarmata apeqqutit taamak ittut Naalakkersuisut akisassarinnikkaat, taamaattumillu apeqqutit akineqarsinnaangitsut, takujuk Inatsisartut suleriaasianni § 47 imm. 2.

Apeqqummulli matumunnga tunngatillugu Naalakkersuisut Tele Greenland A/S-imut saaffiginnipput apeqqutit akineqarnissaat kissaatigalugu. Siunissaq eqqarsaatigalugu erseqqissaatigineqassaaq apeqqutit taamak ittut Naalakkersuisunut ingerlatinnagit su-sassaqtartunut toqqaannartumik ingerlanneqartarnissaat.

Tullinnguuttuni akissutigineqartut Tele Greenland A/S-imit akissutigineqartunit issuaanerupput.

**1-mut.**

2010-mi TELE Greenlandip ataatsimeersuarnerani taamanikkut siulersuisuni siulittaasup Kaj Egede-p nalunaarutigaa, – ingerlatsiviup aningaasaqarnikkut illersorneqarsinnaa-sumik ineriartortuarnissaa eqqarsaatigalugu – atuinerup annertusiartornera ilutigalugu TELE-p internetikkut atortut piginnaassai pioreersut annertusiartortinniassagai.

Akit nutaat, internet-ikkut tunisassiat nutaat akinullu akikillilerutissat pillugit TELE 17. december 2010 Telestyrelsenimut qinnuteqaatimik nassitsivoq. Qinnuteqaammi ADSL-atorlugu tunisassiat piginnaasaasa tamakkiisumik qaffatsinneqarnerisigut akit appartinissaat qinnutigineqarpoq. Tamatuma saniatigut saqqummiunneqarpoq illoqarfinni imaatigut kabelimut attavilinni internetimik atuinerni aningaasartuutikinneruffiusuni atortunik nutaanik misileraasinnaanissap periarfissarsiuunnissaa, taamaasiornikkut atuisut anner-tuumik atuisartut isumaginarlugit – assersuutigalugit ilinniarfeqarfiit.

## **2-mut.**

TELE-p sukkasuumik attaveqarnissamut atortut pitsanngorsartuarlugillu ineriartortittuar-pai. TELE-p 2010-mi sukkasuumik attaveqarnissamut sakkortusaaviit taarsersorlugit aallartippai, taamaasilluni illoqarfinni attaveqaatitigut sukkanerusumik atuisinnaanermut neqerooruteqarnissamut periarfissaqalersillugu.

Illoqarfinni amerlanerpaani ullumikkut inuussutissarsiortut atuisut sukkasuumik attave-qarnissamut atortut kangussanik fiberillu atorlugit ikkuffillit atortarpaat. Qarasaasiatigut attaveqarfik inuussutissarsiornikkut atuisunut amerlanernut atuutilersinneqareerpoq, 100 Mbit/s-ilu tikillugu piginnaasallit pisiarineqarsinnaallutik.

Atorfissaqartitsinerup annertusiartornera malillugu namminersortunut atortunik sukkaner-usunik nutaanik TELE qinnuteqarnissaminut piareersimavortaaq.

## **3-mut.**

Tunisassianut/sullissinernut nutaanut , IT-mut atortunut kiisali attaveqaateqarnerup an- nertusarneqarnissaanut – tassungalu tunngatillugu ukiuni aggersuni aningaartuutigine- qartussat pillugit 2010-mi TELE Greenlandip ataatsimeersuarnerani siulersuisut siulit- taasuaata oqalugiaataa innersuussutigineqarpoq.

## **4-mut.**

Kalaallit Nunaanni illoqarfiit akornanni radiokædemik attaveqarnermi Nanortalimmiit Uummannamut sakkortusaaviit atorlugit attaveqaateqarpoq. 7x155Mbit/s-imut annertus- saasinnaanissaq piareersarneqarpoq, massakkullu attaveqaateqarnermi piginnaasat 2014-ip tungaanut naammattussatut naatsorsuutigineqarput. Piginnaasat amigalerpata radiokædenik maleruuttunik aamma/imaluunniit immap naqqatigut kabilimik Nuup Sisi- miullu akornanni pilersitsisoqassaaq.

Piginnaasat annertusarnissaat Nuup avannaani illoqarfiit nunaqarfiillu pisariaqartitaan- nut qulakkeerinnittussat aningaasanik millionilikkaanik pingasunik kisitsisitalinnik ani- ngaasartuutseqarfiusussatut naatsorsuutigineqarpoq, pilersaarulli aatsaat misissorneqa- leruttorpoq, taamaattumillu suli siusippallaarpoq teknikkikkut aaqqiissutissat aammalu qanoq akeqarnissaat oqaaseqarfigissallugit.

Inussiarnersumik inuulluaqqusillunga

  
f. Kuupik Kleist